

Uummannap Upernaviullu eqqaanni assartuutit motorilik ingerlatillit atorneqarneri pillugit Namminersornerullutik Oqartussat nalunaarutaat

Avatangiisit innarlitsaaliorneqarnissaannik inatsisartut peqqussutaanni nr. 12, 22. december 1988-imeersumi, inatsisartut peqqussutaatigut nr. 7, 13. maj 1993-imeersukkut aamma inatsisartut peqqussutaatigut nr. 14, 31. oktober 1996-imeersukkut allanngortinneqartumi, § 7 b, imm. 1 aamma § 46, imm. 2 naapertorlugit aalajangersarneqarpoq:

Kapitali 1

Atuuffissai il.il

§ 1. Uummannap Upernaviullu kommuniini nunaannarmi pinngortitap avatangiisillu illersorneqarnissaat eqqarsaatigalugu assartuutit motorillit sumi atorneqarsinnaaneri pillugit malittarisassat nalunaarummi uani aalajangersarneqarput.

Imm. 2. Nunaannaat nalunaarummi uani tassaatinneqarput sumiiffit kommunit illoqarfinnut nunaqarfinnullu pilersaaruteqarfigisaasa avataanniittut kiisalu akuerisaasunik nunaannarnut pilersaaruteqarfigineqanngitsut. (nunaannaat pillugit pilersaarut)

Imm. 3. Kangerluit imartallu sikuutillugit nunaannarmiittutut naatsorsuunneqassapput.

Imm. 4. Sumiiffik pineqartoq tassaavoq avannamut Upernaviup Kommuniata avannamut kil-linganiit kujammut Uummannap Kommuniata kujammut killerpiaa - tak. nunap assingi ilanngussaq 1.

Imm. 5. Nunat assingi ilanngussat 1 - 3 sumiiffit assartuutit motorillit atorneqarsinnaaffiinik takutitsisuupput.

§ 2. Assartuutit nalunaarummi uani tassaatinneqarput:

- 1) qamutit motorillit suulluniit, sikumi, apummi, qaqqani kiisalu nunap ilusaani allani allanngortinneqanngitsuni atugassatut sanaat taakkunani luuniit atorneqartartut, kiisalu
- 2) angallatit motorillit suulluniit kuunni tatsinilu imeqarfitt eqqaanni naalakkersuisut matusaasa iluini angalanermut atorneqartut.

Imm. 2. Angallavagineqarsinnaatitaasut nalunaarummi uani tassaatinneqarput aqqutit nunap assingini ilanngussani 1-3-imik takutinneqartut 100 meterisut silitsigisut assartuutinik motorilinnik angallavagineqarsinnaasut.

Imm. 3. Sumiiffit motorilinnit angallavagineqarsinnaasut nalunaarummi uani tassaatinneqarput sumiiffit assartuutinik motorilinnik angallavagineqarsinnaasutut akuerisat.

Kapitali 2

Angallannermut ataatsimut aalajangersakkat

§ 3. Nalunaarummi uani angallavagineqarsinnaatitaasutut taaneqartut kiisalu sumiiffit, motorilinnik angallavissatut immikkoortitaasut avataanni motorilinnik angalaneq inerteqqutaavoq.

Imm. 2. Aqqusinerni, unittarfinni assigisaannilu tamanut naatsorsuussani angallanneq inatsisini allani malittarisassaqaqtinneqarpoq, taamaammallu nalunaarummi uani pineqarani.

Imm. 3. Naalakkersuisut kommunillu avatangiisinik pinngortitamillu nakkutilliillutik angalaneri, annaassiniarnerit, politiit misissuineri assigisaallu nalunaarummi uani pineqanngillat.

§ 4. Imeqarfitt eqqaanni sumiiffinni matusani angallassissutinik motorilinnik atuineq tamarmi inerteqqutaavoq.

§ 5. Tamanna pisariaqartutut isigineqarpat communalbestyrelsit angallavagineqarsinnaatitaasunik kiisalu sumiiffinnik motorilinnit angallavagineqarsinnaasunik nalunaaqutsersuisitsisinhaapput.

Sumiiffinni angallavissiarineqartuni angalanermut maleruaqqusat

§ 6. Nunami angalasoqarsinnaavoq

1) nuna imermik unerarfingineqanngippat kiisalu ima qajannaatsigippat nuna naasullu ajoquserneqartussaanatik, imaluunniit

2) nuna qerisimappat naasullu apummit 20 cm-iteriusumit, aputip naqigutap 7 cm-iusup nunap qaaniit uuttukkap taamaaqataanik, qallersimappata.

Imm. 2. Nuna angallavagineqarunnaassaaq aput illersuutaasoq peeruppat kiisalu issangiarneratigut aattornerup nalaani nunalluuniit aqilinerata nalaani.

Imm. 3. Angalanermi nuna naasunut aseruutaasinnaasumik sangupilorfingineqassanngilaq. Kiisalu orpikkat masarsuttallu aqqlusaarneqassanngillat.

Imm. 4. Kuuit sinaat uingarnillu kiisalu tatsit killingi, kuuit annerit kiisalu kangerluit ajornanngippat ikaarneqartassapput naasut nunallu ajoquserneqarfissarinngisaasigut.

Imm. 5. § 6, imm. 1-imi aalajangersakkat immap sikuani angallannermut atuutinngillat.

Kapitali 3

Immikkut akuersissuteqartarnerit

§ 7. Inuussutissarsiorlutik angalasut § 3, imm. 1-imi aalajangersakkant atuutsitsivigineqannginnissaannik Avatangiisinut Pinngortitamullu Naalakkersuisoq immikkut akuersissuteqarsinnaavoq.

Imm. 2. Imm. 1 naapertorlugu immikkut akuersissutit sivisunerpaaamik ukiumut ataatsimut atuuttussanngortinnejtassapput.

Imm. 3. Kattuffit peqatigiiffillu inuussutissarsiortut sinnerlugit imm. 1 naapertorlugu immikkut akuersissuteqartoqarnissaanik qinnuteqarsinnaapput.

§ 8. Angallavagineqarsinnaasut sumiiffillu nalunaarummi uani taaneqartut avataanni angalanissamut Avatangiisinut Pinngortitamullu Naalakkersuisoq immikkut akuersissuteqarsinnaavoq soorlu ilisimatutut sulianut, sulianut inuussutissarsiornermut tunngassuteqartunut, timersornikkut aaqqissuussinernut, nerisassanik angallassinernut imaluuniit allanik inuiaqatigiit eqqarsaatigalugit pisariaqartunik patsiseqartunut.

§ 9. §§ 7 aamma 8 malillugit immikkut akuersissuteqarfingineqarnissamik qinnuteqaat allakkatigoortuussaaq, kiisalu makku pillugit paassisutissanik imaqassalluni:

- 1) Inuit immikkut akuersissummi ilaatinnejqartut tamarmik aqqi
- 2) Immikkut akuereqqunermut pissutaasut

- 3) Nunap assingini pineqarsinnaasuni annerpaani angallavigineqartussatut pilersaarfiit titartakkat kiisalu angallavigineqartussat qanoq akulikitsigisumik angallavigineqartarnissaat
- 4) Assartuutit amerlassusaat suussusaallu
- 5) Piffissaq immikkut akuersissuteqarfigineqartussaq kiisalu
- 6) Paasissutissat allat Avatangiisnut Pingortitamullu Naalakkersuisup suliamik suliarinninneranut pingaaruteqarsinnaasut.

Imm. 2. Angalanissaq qaammammik ataatsimik sioqqullugu qinnuteqaat nassiuunneqassaaq

*Imm. 3. Avatangiisnut Pinngortitamut Naalakkersuisup immikkut akuersissuteqarnermi
naleqqussorineqartunik piumasaqaateqarsinnaavoq.*

*Imm. 4. §-it 7 aamma 8 naapertorlugin immikkut akuersissutigineqartut Avatangiisnut Pingortitamullu
Naalakkersuisumit qaqugukkulluunniit allanngortinnejqarsinnaallutilluunniit
atorunnaarsinneqarsinnaapput immikkut akuersissuteqarnermi piumasaqaatigineqartut
unioqqutinnejqarpata imaluuniit Avatangiisnut Pinngortitamullu Naalakkersuisup isumaa naapertorlugu
pinngortitaq avatangiisillu ajoquserneqartillugit.*

**§ 10. Kapitali manna naapertorlugu aalajangiinerit tamarmik kommunit pineqartut
tusarniaavigineqareernerisigut pisassapput.**

Kapitali 4

Nakkutilliineq il.il.

§ 11. Kommunalbestyrelsit nalunaarummi uani malittarisassat malinnejqarnersut nakkutigissavaat.

*Imm. 2. Kommunalbestyrelsit angallavissani sumiiffinnilu nalunaarummi uani taaneqartuni angalanernik
inerteqquteqarsinnaapput peqqussuteqarsinnaallutillu § 6, imm. 1 aamma 2-imik angalanermut
maleruaqqusat piffissap ilaani naammassineqanngikaanngata.*

Imm. 3. Peqqussutit tassaasinnaapput angallaviit aalajangersimasut atorneqarnissaannik piumasaqaatit.

*Imm. 4. Inerteqqutit tassaasinnaapput sumiiffinni aalajangersimasuni piffissami aalajangersimasumi
angallannerup tamarmi unitsinneqarnissaanik piumasaqaatit.*

*Imm. 5. Nakkutilliinermut atortitsinermullu Avatangiisit innarlitsaaliorneqarnissaat pillugu inatsisartut
peqqussutaanni nr. 12, 22 december 1988-imeersumi, inatsisartut peqqussutaasigut nr. 7, 13. maj 1993-
imeersukkut allanngortinnejqartumi, kapitali 4-imik § 44, imm. 2-imik malittarisassat aamma atuupput.*

**§ 12. Nalunaarut manna naapertorlugu aalajangikkat tamarmik Avatangiisit innarlitsaaliorneqarnissaat
pillugu inatsisartut peqqussutaanni kapitali 10-mi malittarisassat naapertorlugin
naammagittaallitigineqarsinnaapput.**

Kapitali 5

Pineqaatissiisarnermut atuutilernissaanullu aalajangersakkat

§ 13. Uku akiliisussanngortinnejqarsinnaapput:

- 1) § 3, imm. 1-imik, § 4, imm. 1 aamma 2-imik kiisalu § 6, imm. 1-4-imik unioqqutitsisut
- 2) § 11, imm. 2 naapertorlugu peqqussutinik inerteqqutinillu uniusut
- 3) § 9, imm. 3 naapertorlugu piumasaqaatigineqartunik malinninngitsut.

**§ 14. Aktiaateqarluni piginneqataassuteqarlunilluunniit ingerlatseqatigiiffik, piginneqatigiilluni
ingerlatseqatigiiffik (piginneqatigiiffik) assigisaaluunniit unioqqutitsisuuppat ingerlatseqatigiiffik inatsisini
taama isigineqarnini naapertorlugu akiliisussanngortinnejqarsinnaavoq. Namminersornerullutik**

Oqartussat, kommunit imaluunniit kommunit suleqatigiiffiat unioqqutitsisupata Namminersornerullutik
Oqartussat, kommunit kommunilluuniit suleqatigiiffii taamaannermissut
akiliisussanngortinneqarsinnaapput.

§ 15. Nalunaarut manna ulloq 1. september 2000 atuutilerpoq.

Namminersornerullutik Oqartussat, ulloq 13. juli 2000.

Alfred Jakobsen

/

Hans J. Høyer

Nunat Assinga 1

Nunat Assinga 2

Nunat Assinga 3

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut